

Na osnovu člana 14. i 15. Odluke o utvrđivanju uslova, kriterija, postupka i načina isplate za dodjelu stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini (broj: 10/1-34-018996/22 od 23.08.2022. godine), Ministarstvo obrazovanja i nauke Tuzlanskog kantona, raspisuje

K O N K U R S

za dodjelu stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini

I

Raspisuje se Konkurs za dodjelu stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini i to za ukupno 96 stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini.

II

Ukupna visina stipendije za školsku 2022/2023. godinu iznosi 1.350,00 KM (slovima: hiljadutristotinepedeset konvertibilnih maraka), s tim da će se isplata stipendije vršiti u četiri jednake mjesečne rate, a visina jedne rate iznosi 337,50 KM (slovima: tristotinetridesetsedam konvertibilnih maraka i 50/100).

III

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan učenik srednje škole na području Tuzlanskog kantona u školskoj 2022/2023. godini.

IV

Pravo na dodjelu stipendije po ovom Konkursu imaju posebno nadareni redovni učenici srednjih škola na području Tuzlanskog kantona. Rangiranje i klasifikacija kandidata za dodjelu stipendije, koji ispunjavaju uslove iz tačke III, vrši se na osnovu sljedećih kriterija:

- a) opći uspjeh postignut u prethodnoj školskoj godini u smislu završenog razreda osnovne ili srednje škole prema članu 8. Odluke o utvrđivanju uslova, kriterija, postupka i načina isplate za dodjelu stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini (u daljem tekstu: *Odluka*),
- b) uspjeh na natjecanjima iz oblasti predmeta iz nastavnog plana i programa u prethodnoj školskoj godini (završni razred osnovne škole ili rezultati pojedinačnog uspjeha u prethodnoj školskoj godini u srednjoj školi), prema članu 9. Odluke,
- c) opći uspjeh ostvaren u prethodnoj školskoj godini u smislu završenog razreda paralelne muzičke škole i osvojenih mjesta na natjecanjima, prema članu 10. Odluke,
- d) uspjeh iz oblasti tehničkog stvaralaštva, kulturno-umjetničkog stvaralaštva – književnih, likovnih, pozorišnih i muzičkih ostvarenja postignut u prethodnoj školskoj godini, prema članu 11. Odluke,
- e) uspjeh iz oblasti sporta i sportskih učeničkih školskih programa te drugih sportskih uspješnih ostvarenja postignut u prethodnoj školskoj godini, prema članu 12. Odluke,
- f) ostvarene posebne diplome za ostvarene rezultate i diplome učenik generacije prema članu 13. Odluke.

V

Ukoliko se na konkurs ne javi dovoljan broj kandidata po nekom od osnova, broj stipendija za kandidate iz drugih oblasti uspjeha se povećavaju srazmjerno ukupnom broju mogućih stipendija. Ukoliko se na konkurs jave kandidati po više osnova iz tačke IV, bodovanje i rangiranje kandidata se vrši prema kategoriji u kojoj kandidat ostvaruje najveći broj bodova za dodjelu stipendije i ulazi u tu kategoriju nadarenog učenika.

VI

Prijave na konkurs sa potrebnom dokumentacijom podnose se Ministarstvu obrazovanja i nauke Tuzlanskog kantona u roku od 10 dana od dana objavljivanja konkursa na veb stranici Ministarstva obrazovanja i nauke Tuzlanskog kantona (www.montk.gov.ba). Prijava na konkurs vrši se putem prijavnog obrasca, koji se može preuzeti na veb stranici Ministarstva obrazovanja i nauke ili u službenim prostorijama Ministarstva obrazovanja i nauke Tuzlanskog kantona.

VII

Prijava na Konkurs se vrši putem prijavnog obrasca, koji se može preuzeti na veb stranici Ministarstva i u službenim prostorijama Ministarstva.

Kandidat ili roditelj/staratelj je uz popunjen prijavni obrazac obavezan dostaviti i:

- a) uvjerenje o statusu redovnog učenika srednje škole u školskoj 2022/2023. godini (original ili ovjerena kopija),
- b) uvjerenje o državljanstvu (original ili ovjerena kopija),
- c) svjedočanstvo o prethodno završenom razredu osnovne ili srednje škole (original ili ovjerena kopija),
- d) ovjerena izjava kandidata (punoljetan) ili roditelja/staratelja (maloljetan kandidat), da kandidat za stipendiju ne koristi ili nije dobitnik neke druge stipendije koju finansira Budžet Tuzlanskog kantona,
- e) posebnu dokumentaciju/dokaz kojom dokazuje uspjehe i rezultate za bodovanje iz određene oblasti prema tački IV ovog konkursa (ovjerena kopija).

Kandidat je uz popunjen prijavni obrazac i obaveznu dokumentaciju dužan dostaviti i posebnu dokumentaciju kojom dokazuje uspjehe i rezultate iz određene oblasti prema tački IV ovog konkursa a kojima se dokazuje posebna nadarenost u određenim oblastima kako je navedeno u članovima 9, 10, 11, 12. i članu 13. *Odluke*.

VIII

(1) Na osnovu konačne rang liste sa kandidatom, odnosno roditeljem/starateljem kandidata, zaključuje se ugovor o stipendiranju, kojim se bliže uređuju međusobna prava i obaveze.

(2) Ugovor o stipendiranju zaključuje se u roku od 7 dana od dana isticanja konačne rang liste na veb stranici Ministarstva obrazovanja i nauke Tuzlanskog kantona, a ukoliko u tom roku kandidat odnosno roditelj/staratelj ne potpiše ugovor bez opravdanja odsustva u pisanoj formi kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

IX

(1) Konkurs ostaje otvoren 10 dana od dana objavljivanja na veb stranici Ministarstva obrazovanja i nauke Tuzlanskog kantona.

(2) Prijave na Konkurs sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića 8, 75000 Tuzla, sa naznakom „Prijava na Konkurs za dodjelu stipendija za posebno nadarene učenike srednjih škola na području Tuzlanskog kantona“.

(3) Nepotpune i neblagovremene prijave neće se uzeti u razmatranje.

Ministarstvo obrazovanja i nauke
Tuzlanskog kantona